



PAHAYAGAN SANG PARTIDO KOMUNISTA SANG PILIPINAS – ISLA SANG NEGROS
GINAUBAYAN SANG MARXISMO-LLENINISMO-KAISIPANG MAO ZEDONG

ANG **PAGHIMAKAS**

IKA- APAT NGA ISYU

ENERO-MAYO 2001



**BAG-O NGA REHIMEN, BAG-O NGA MASKARA
BULOK, TUTA KAG REAKSYUNARYO SA ESENSYA**

PANAWAGAN



Sa pagpauswag sang aton **PAGHIMAKAS**, ginapangabay sa tanan nga bumalasa sini nga mag-amot sang mga balita, *feature*, tula, kanta, kag iban pa nga sinulat. Ginapadangat man nga ang mga amot-sinulat mapadala sa ikatatlo nga bulan (Marso, Hunyo, Septyembre, Desyembre) sang kada kwarter. Nagapangayo man ini sang inyo mga suhestyon kag komentaryo paano pa gid ini pauswagon.

Ginapangabay man nga hatagan tum-ok sang talakayon nga kaundan ang tuhoy sa mga sinulat nga nagapaathag sa aton mga sandigan nga prinsipyo, mga kadalag-an sang rebolusyonaryo nga paghimakas sang masa subong man ang paghublas sang mga pakuno-kuno sang reaksyunaryong gobyerno kag pasistang kaaway.

Mahimo nga ma-download ang mga isyu sang **PAGHIMAKAS** sa internet. Magkadto lang sa website sang NDF sa NDF@NDFP.cjb.net kag I-klik ang Regional Publications kag abrihan ang **PAGHIMAKAS**.

Aleluya! Glorya sa kahitaasan! Indi pagdayuna ang pagbuwis sa simbahan sa baylo padakuon mo ang donasyon para diri.

Gloria ok ka. Padayuna ang Akon Globalisasyon, Deregulasyon, liberalisasyon kag pribatisasyon.

Erap, husto na na. Tagaan ta ka asaylum sa Amerika. Damo to alak, chicks kag casino.

Ako pa ang Presidente maghalin ka da!!!

Sunda lang ang tanan nga adbays ko kay matenir ka gid sa pwesto. Una ang mga heneral ibutang sa tanan nga mga ahensya.....etc.etc

Sir, Indi na pagdayuna, nagakatunga ang Armed Forces. Tagaan ka na lang namon proteksyon para indi ka madakop sang NPA.

KAUNDAN SA SINI NGA ISYU	
Kober.....	1
Panawagan.....	2
Editorial.....	3
Rehimeng Macapagal-Arroyo...	5
Asyenda Cojuangco.....	7
Eleksyon.....	10
Rebisyunistang Traidor.....	13
Cardenas.....	15
Cogon.....	16
Tula.....	18

PANAHON SANG KRISIS, PANAHON SANG REBOLUSYON!!!

Ang bulok nga nagahari nga sistemang malakolonyal kag malapyudal adlaw-adlaw nga nagaluto sang krisis kag rebolusyon. Ang nagausmod kag nagakitid nga ekonomiya magabunga sang pag-igting sang banggianay sang mga sahi, pag-igting sang rebolusyon kag kontra-rebolusyon.

Sang itudo-tulon ang pag-implementar sang rehimen Estrada sang mga imperyalistang patakarang sang liberalisasyon, deregulasyon, pribatisasyon kag de-nasyunalisasyon, nagsindi lamang ini sang dugang nga paglubha sang krisis agud kutkuton sini sa temprano ang kaugalingon nga lulubngan. Ginapanubli lamang sang rehimen Macapagal-Arroyo ang krisis sang instabilidad kag kadelikaduhan nga mawasak man paagi sa legal nga mga paghimakas sang pumuluyo kag sang nagahiliugyon nga prente ukon paagi sa pagtinguha sang reaksyunaryong paksyon nga sibilyan-militar.

Ang nagabulos-bulos lamang nga mga rehimen halin sang gintukod ang 1946 papet nga Republika kag hasta sa subong nga rehimen Macapagal-Arroyo isa lamang ka pagbulos-bulos sang mga reaksyunaryong paksyon sang mga nagahari nga sahi sang komprador burgesya kag agalon mayduta nga pareho nagaserbi sa imperyalismong US. Pareho lamang sila nga tagamentinar kag tagapreserba sang nagaharing sistema. Pareho lamang nila ginagamit ang

reaksyunaryong poder pangpolitika agud makuha ang mas dalagku nga parte sang ekonomiya kadungan sang ila paggamit sang mga pasistang instrumento sang estado sa pagdingot sa mga demokratikong kinamatarung kag paghimakas sang pumuluyo.


Ang solo nga kasolbaran sa krisis sang nagaharing sistema amo ang pagsulong kag pagkompleto sang demokratikong rebolusyon sang banwa. Sandig sa ubay sang Marxismo-Leninismo-Maoismo, ang pagpamuno sang proletaryadong Partido amo lamang ang garantiya sa pagsulong sang rebolusyonaryong kahublagan sa husto nga direksyon. Halin sang 1968, ang pagsulong sini nagaagi sang madamo nga pagtiko-tiko kag pagliko-liko sa dalanon sang paghimakas.

Bangud sa Ikaduha nga Dungganon nga Kahublagan Panadlong sang Partido natadlong ang mga sayup kag nagpanibag-ong kusog ang rebolusyonaryo nga kahublagan.

Naigo sang grabe nga pagpanghimulos kag pagpamigos ang malapad nga masa labi na ang mga mamumugon kag mangunguma. Sa pihak nga bahin, ang mga nagahimulos nga sahi sa pagpanguna sang blokeang Cojuangco amo ang nakabentaha sa paghugakom sang lokal nga manggad kag ganasya. Ang blokeang Cojuangco ang pinakapoderoso, manggaran kag pinakamasupog nga reaksyunaryo sa isla.

Ang kabaskugon ni Cojuangco sa ekonomiya ginapakita man sang kasangkaron sang iya dominasyon sa lokal nga pulitika sa Occidental kag Oriental Negros. Napaidalum o nangin kasosyo niya ang mayoriya sang tradisyunal kag dalagku nga mga reaksyunaryo, samtang gina-nyutralisa o ginaaway ang mga minoryang reaksyunaryo nga bloke.

Ang todo-gyerang "Oplan Makabayan" sang rehimen Estrada nagapalala sang militarisasyon kag kontra-rebolusyon nga kampanya batok sa pumuluyo kag mga rebolusyonaryong pwera sa pagpanguna sang 303rd Brigade Phil. Army upod ang PNP kag mga rebisyunistang traydor labi na ang RPA-ABB.



Ginalunsar ang masingki nga combat, intelligence, civilian-military kag psywar operations. Paagi sa manggad kag impluwensya ni Cojuangco, halos epektibo ang iya kontrol sang mga pasistang makinarya nga nakabase sa Negros. Nagakampanya pa ini sang dugang nga mga batalyon sang Army kag madamuan nga rekrutment sang CAFGU kag paghupot sang pribado nga army.

Ang Partido kag mga rebolusyonaryong pwersa ginpanday lamang sang rehimeng Estrada sa isa ka masingki nga makasahi nga pakig-away gerilya. Sa pihak sang internal nga mga kahuyangan, nagalapad


ang rebolusyonaryong kahublagan kag nagahiliugyon nga prente para sa armadong paghimakas sa kaumahan kag legal nga paghimakas sa kasyudaran.

Pagkatapos sang pagtalsik ni Estrada, ang Partido kag mga rebolusyonaryong pwersa sa Negros nakatipon sang dugang nga kusog kag mas preparado sa pag-atubang sa rehimen Macapagal-Arroyo. Dapat lamang hingalitan ang tagsa ka tini-on kag isikway ang daan nga oryentasyon, taktika kag mga metodo agud labi nga padasigon ang malaparon kag mabaskug nga rebolusyonaryong kahublagan. ***

REHIMEN MACAPAGAL-ARROYO TUTA KAG REAKSYUNARYO SA ESENSYA

Napukan na ang nagahari nga hubon ni Estrada. Ginlabo sa bato ang analisis kag pahayag sang Partido Komunista sang Pilipinas (PKP)-MLM nga indi matapos ni Estrada ang iya nga anum ka tuig nga pagkapangulo bangud sang pagkabulok sini nga nagtuga sang pungsodnon nga pag-ibwal para sa pagpatalsik sa iya sa poder. Kinaon ni Estrada balik ang iya nga hinambog nga sumpa nga tapuson niya ang rebolusyonaryo nga kahublagan antes matapos ang iya nga termino.

ka



Napalayas ang isa

Si Daddy ang
idol ko. Isa
lang ang
amon AMO!

bangkarote kag kawatan nga presidente upod ang pila niya ka mga kroni , apang ang makasahi nga

diktadura sang burgisya komprador kag asyendero nagapabilin. Ang mala-kolonyal kag malapyudal nga sistema nga paraiso sang nagahari nga sahi kag impyerno sang masang anakbalhas padayon nga nagaluntad. Nagapabilin nga mabaskog kag nagapangibababaw pa ang armadong kusog sini nga prinsipal nga instrumento sang ila paghari kag tig-preserba sang ila paggahum. Tuhtub indi maagaw ang gahum pampulitika sa nagahari nga sahi kag madugmok ang reaksyunaryong hukbo paagi sa armadong rebolusyon, ang makasahi nga pagpanghimulos magapadayon.

Ang bag-o nga nagahari nga hubon Macapagal-Arroyo ang pinakadaku nga benepisyaryo sang kontra-Estrada nga pag-alsa sang pumuluyo. Kaangay sang rehimeng Estrada reaksyunaryo ini sa esenya. Pamatud-an pa sini sa malapad nga disgustado nga pumuluyo ang pagaresto kay Estrada kag sa iya mga kampon. Apang ang iya temprano nga pagpakignegosasyon sa kay Lucio Tan kag Danding Cojuangco sa kumpas sang Imperyalismong US nagapatimaan nga bale-walaon sini ang iya mga promisa kag padayunon ang dinastiya sang mga nasambit nga kroni kag kriminal. Numero Uno nga tigsakdag kag tighambal sang Imperyalismong US ang rehimeng- Macapagal Arroyo. Wala ini sang indikasyon nga pahinayon man lang ang maki-imperyalista nga polisiya sang globalisasyon sa balayon sang deregulasyon,

liberalisasyon kag pribatisasyon. May basbas sa US ang pagresayn ni Macapagal-Arroyo sa gabinite ni Estrada kag sa pag-istorya sini sa mga heneral kag mga burukrata para magbawi sang suporta kay Estrada. Kaangay sang iya amay, Diosdado Macapagal, anay pangulo sang Pilipinas, gilalaragway man niya ang pagkatuta sa imperyalismong US. Ginpirmahan ni Macapagal-Arroyo ang mga kasugtanan para sa Joint RP-US Exercises kag sa paggamit sang US sang mga estratihiko nga lugar sa pungsod para mangin iya base-militar.

Ara sa proseso sang konsolidasyon ang rehimeng-Macapagal Arroyo. Indi sini makonsolida ang bag-o nga kaayusan sang pagpamuno kon wala sang suporta sa mga mataas nga upisyal sang militar kag pulis . Magamay lamang ang impluwensya diri ni Macapagal-Arroyo. Kinahanglan niya ipabilin ang pila ka mga *Erap Boys* sa AFP kag PNP para makalikaw sa dugang pa nga internal nga problema .



Ang grupong Estrada ang nagapanguna nga kabangga sini sa sirkulo sang nagahari nga sahi. May bastante ini nga pinansya kag lohistika nga maglunsar sang pagpanabotahe kag magpanghakot para hangkaton ang pamunuan Macapagal-Arroyo. Suportado man ini Danding Cojuangco , Lucio Tan kag pamilyang Marcos , sila ang pinakadaku nga mga benipisyaryo sang anay pagpamuno ni Estrada. Ara pa man ang mga loyalistang Heneral sa militar kag pulis nga wala pa matandog ang mga pusisyon. Dugang pa diri ang mga dalagku kag organizado nga mga sindikato kag mga kriminal nga grupo nga nagtin-ad kag nagdamo sa paghari ni Estrada. Ang pagamay nga tulungaon nga parte sa kaban sang gobyerno kag ang palala nga krisis sa ekonomiya magagatung pa gid sa banggianay sang sining mga kampo indi lamang sa Metro Manila kundi sa bug-os nga pungsod. Ang Eleksyon 2001 ang isa ka pamaagi sa pag-areglo nila sa pagtungaay sang poder, gina-ekspektar man nga mangin madinuguan.

Ang madinuguan nga insidente sang Mayo 1, 2001 sa diin linibo ka mga panatiko ni Estrada ang naghuramentado nga nagsulong sa Malacanang nagapakita sang mga desperado nga mga tikang sang

napukan nga rehimen nga magbalik sa poder. Ginpondohan sini sang milyon-milyon ang "Edsa 3" kag gingamit ang linibo nga mga disgustado nga masa kag mga lumpen bilang suporta tani sa ila napaslawan nga coup 'd etat sa pagpamuno ni Juan Ponce Enrile. Ang tuman nga kapigaduhon kag kataka sang masa para sa alebyo sang ila kahimtangan ang gingatungan sang hubon Estrada para mag-alsa. Ginbala ang mga ini sa kanyon para lusubon ang Palasyo samtang nagpalanago ang mga lideres.

Para sa istabilisasyon sang iya bag-o nga rehimen kinahanglan ni Macapagal- Arroyo nga magkonsesyon sa grupo ni Gen. Ramos kag Gen. De Villa , grupong Aquino- Sin , Makati Business Club kag Filipino Chinese Community. Halos ginkihad-kihad sang sining nasambit nga mga grupo ang mga sensitibo kag importante nga pusisyon sa administrasyon Macapagal-Arroyo. Ginpalala lamang ni Estrada ang ginpanubli nga nagahuyango nga ekonomiya halin kay Aquino kag Ramos. Sa handum nga pugaon pa gid ang nabilin nga pwede pa kurakuton sa kaban sang pungsod, wala kag tuo nga pagpangawat ang ginhimo para sa kabulusgan sang iya mga kroni, kapamilya kag madamo nga mga asawa. P 255 bilyon ang depesit nga ginsalo karon ni Macapagal-Arroyo nga wala naman siya sang mapinsaran nga iban nga solusyon kundi ang magpangutang, mag-iban sang badyet para sa serbisyo sosyal , kag mag-imposar sang dugang nga buwis sa pumuluyo.

Padayon na gid lamang nga magalala ang krisis sang mala-kolonyal kag mala-pyudal nga sistema. Napamatud-an na ang mga kapalpakan sang mga ilusyon sang mga nagligad nga rehimen nga batakon ang ekonomiya gikan sa komunoy sang krisis sang pangkalibutanon nga sistemang kapitalista. Wala sang kaluwasan ang nagahuyango nga ekonomiya sang Pilipinas sa idalum sa ano man nga tuta kag reaksyunaryo nga rehimen. Pagamay ang merkado kag bili sang produkto pang-eksport sang Pilipinas samtang nagadaku ang demanda sang imported nga mga produkto nga patimbuok naman ang presyo. Nagasarurot man ang piso. Samtang napamatud-an na ang daku nga kahalitan sang imperyalistang globalisasyon, padayon pa ang pag-uwang ni

Macapagal -Arroyo nga itodo larga pa ang liberalisasyon, deregulasyon kag pribatisasyon.

Sa Negros gilayon nga nagpwesto ang Lakas-NUCD, KAMPI, REPORMA, nga ginapamunuan sang mga pro-Ramos, Macapagal-Arroyo kag De Villa nga grupo. Ang pagkapukan ni Estrada kahigayunan man para sa Coscolluela-Gamboa nga grupo nga nagabandera sang ATON para iduso ang kaugalingon bilang alternatibo sa UNA ni Cojuangco nga numero uno nga maninoy ni Estrada. Apang ang burgis nga eleksyon bilang arena sang partidahay sang gahum pampulitika sa tunga sang nagahari nga sahi may tuyo man nga hiluan ang pamensaron sang malapad nga masa nga ini ang solusyon sa ila pag-antus kag kapigaduhon. Sa balayon man sang burgis nga eleksyon ang mga konsesyon, pag-ayusay kag balimbinganay sa tunga sang mga magkasumpong nga

subong nga nagahari nga rehimen sa grupong-Estrada. Dapat man pakig-batuan ang ano man nga lihok sang hubon Estrada nga makabalik sa poder. Dapat igiit nga arestuhon ini kag pagapabayron sa iya krimen sa pumuluyong Pilipino. Ubos kusog man nga hublasan kag pamatukan ang mga ilusyon kag kontra-pumuluyo nga mga polisiya kag programa sang rehimeng Macapagal-Arroyo.

Ang padayon nga paglala sang krisis, ang kabulok sang nagabulos-bulos lamang nga mga tuta nga rehimen, ang maayo nga manunudlo para sa banas sang Demokratikong Rebolusyon sang Banwa(DRB) sa pagpamuno sang Partido Komunista sang Pilipinas bilang solusyon sa madalum nga problema sang masa.



Mga sinipi sa ispesyal nga pahayag sang *Ang Bayan*, sang ika-8 sang Mayo, 2001. Ini angot sa sitwasyon pagkatapos sang Mayo 1 nga insidente.

.....Labi nga paborable sa pagsulong sang rebolusyon ang nalab-ot subong nga labi nga kagrabehon sang kontradiksyon sa hanay sang mga reaksyunaryo kag lubos nga kinagamo sang kabilugan nga reaksyunaryong sistemang pampulitika sa pungsod. Sa atubang sang subong sini nga kahimtangan, labi naton pabaskugon ang mga pwersa sang rebolusyon kag pahuyangon ang kaaway paagi sang pagbaskog sang rebolusyonaryong paghulag kag nagahiliugyon nga prente, pagbaskog sang atake naton sa kaaway kag pagpaigting pa sa ila nga bangigay, kadungan sang pagsulong sang paghimakas masa kag armadong paghimakas.

Samtang indi kita nagbuhi sa pagpamatuk sa mga padihot sang kampong Estrada, kinahanglan padayon naton pamatukan sa kabilugan ang nagahari nga reaksyunaryong estado kag sistema kag ang mga kontra-rebolusyonaryo kag kontra-pumuluyo nga patakaran nga himuon sang nagahari nga rehimen. Kinahanglan maayo nga kumbinaron ang aktibong pagpanguna sa mga kampanya, alyansa kag aktibidad para pabayaron si Estrada kag mga barkada niya sa mga kriminal nila nga salabton; itib-ong ang mga makatarungan nga hinanakit kag paghimakas sang masa; kag magpalapad kag magpabaskog sang nagahiliugyon nga prente sa magkadungan nga pagsulong sang mga katuyuan nga ini.

Kaupod naton sa subong ang madamo nga anti-Estradang pampulitika nga pwersa kag tendensiya sa inaway para balabagan nga makabalik sa poder ang kampong Estrada, kag sa pagsukot para sa mga kriminal nila nga salabton. Tubtub sa isa ka lebel, maisip diri ang kampong Macapagal-Arroyo.

Subong man, kinahanglan likawan naton masiod sa burgis nga repormistang balayon sang "pagsuporta sa gubyernong Macapagal-Arroyo para ipreserba ang mga kadalag-an sang EDSA2", "pag-uyon sa deklarasyon sang state of rebellion para pangapinan ang laye kag kaayusan", kag ang mga katulad sini. Kinahanglan padayon nga uyatan ang sandigan nga hambalanon nga ang rehimeng Macapagal-Arroyo ang papet nga nagadumala sang reaksyunaryong estado kag nagapanguna nga instrumento subong sa paghimulos, pagpaantus kag pagpamigos sang imperyalismo kag lokal nga mga reaksyunaryo sa pumuluyong Pilipino.

Sa subong, bangud wala sang signipikante nga konsesyon nga ginhatag ang rehimeng Macapagal-Arroyo para ipataas ang pangabuhian sang pumuluyo, wala sang nagalungtad nga bastante nga kabangdanan kag malahalon nga basehan para itrato ini bilang taktikal nga alayado. Samtang nagapadayon ang grabeng banggi-anay sa hanay sang mga reaksyunaryo, ang di pa tapos nga inaway naton sa grupong Estrada, ang inaway man naton subong sa nagaharing rehimen, kag ang labi pa nga pagsulong sa kabilugan nga paghimakas sang pumuluyo, mahimo pa nga maglab-ot ang mga ini sa lain-lain nga porma kag direksyon.

partido sang nagahari nga sahi.

Dapat lamang pamatukan sang malapad nga pumuluyo ang ano man konsesyon nga himuon sang

Padayon ang Paglapad , Pagbaskog sang Ginharian ni Cojuangco


Nagabaringisi sa gihapon si Eduardo "Pakman" Cojuangco. Wala ini sang daku nga kulba sa idalum sang bag-o nga rehimen. Kasahi niya ang bag-o nga presidente bilang daku nga komprador-asyendero kag pareho sila nga nagarepresentar sang interes sang nagahari nga sahi. Pareho man sila nga mga tuta sang Imperyalismong US. Natural lamang sa sini nga klase nga magkasahi nga mag-unungay para ipreserba ang ila komon nga interes apang nagabantay naman sang oportunidad sa pag-agaway sang poder.

Ginarepresentar ni Danding Cojuangco ang pinakadaku nga bloke sang maki-Estrada nga grupo sa Negros. Sa subong, ang isa sini ka tiil nakapwesto sa kampo ni Macapagal-Arroyo samtang ang pihak naman nagatikdol-tikdol sa kampo ni Estrada sa paglunsar sang mga panggamong nga kampanya batuk sa bag-o nga rehimen. Ini ang marka ni Cojuangco: naga-akto nga santo-pilantropo sa isa ka bahin kag wala kabulusgan nga buaya sa takas naman ang kapihak.

Madamo nga mga negosyo/korporasyon kag mga istrategiko nga interes sa bug-os nga Pilipinas kag sa iban nga pungsod ang ginapanig-iyahan ni Cojuangco. Konektado ini sa Filsov Shipping Co. Luzon, Intercoast Shipping Co, Philippine Radio Corp (may 10 ka radio stations, sa Negros -ang DYRL), United Sari-Sari and Livelihood Corp., Diversified Holdings CO(textile Trading), San Miguel Corporation, United Coconut Planters Bank,

Beef and Associated Corporate Business, Cojuangco Resources Corporation, Agro-investment and Trading, Agro-resources and Dev Corp, Amalgamated Travel Center, Balete Ranch Inc., Commercial Motors Corp., Cristensen Plantation Inc., Dutch Boy Philippines , EM Cojuangco and Sons Agricultural Enterprises, Eastern Pacific Drystock Corporation., Fdiscals Managers Inc., G&E Trading Corp, GD Real Investor, Golden Times Trading , Gfooreee Stud Farm (Australia), Indo Phil Oil Mills, Integrated Agro-Industrial management, J&E Realty Corp., JMC Dev. Corp., JMC Mining Exploration Corp., Lucena Oil Factory Inc., Maximum Trading Corp., Metroplex Commodites, Northern Cement Corp., Odel marketing Enterprises, Pamplona Redwood Veneer Corp., Panique Knitting Industries, Panique Sugart Corp., Panique Producers Marketing Corp., FCY Oil Mfg. Corp., R&E Agricultural Corp., Southern Island Textile Mills, Universal Motors Corp, Veteran Works Corp., Metroplitan Basketball Association kag madamo pa nga iban.

Sang makita nga pasarurot na ang industriya sang kalamay, nagdihon si Cojuangco sang "alternatibo nga pananum" nga mahimo niya mautangan sa dalagku nga mga dumuluong nga mga korporasyon kag mapangayu-an suporta o pabor sa reaksyunaryong gobyerno bilang modelo nga mga proyekto. Gintransporma sini ang iya 4,328 nga ektarya sa central Negros nga mangin prutasan kag hardin. Pinalayas ang linibo ka mga mamumugon sa kampo kag pinalakat ang muhon sang iya asyenda para masakop indi lamang ang kalapit nga mga asyenda kundi pati banwa kag syudad. Ginabana-bana nga 22,839 ka ektarya ang pribado nga



ginapanig-iyahan ni Cojuangco wala labot ang kadutaan sang mga kooperatiba nga gintukod sang pamilya ni dela Cruz kag sang ido-ido sini nga RPA-ABB diri sa Negros.

Nagsulod man si Cojuangco sa produksyon kag pagbaligya sang mais kag cassava sa duha ka erya sang probinsya. Isa makita sa Don Salvador Benedicto kag sa mga nabukid nga bahin sang San Carlos, Bago, Murcia, Esvalante akg Calatrava. Naimbolbar diri ang 4,000 ka ektarya. May napirmahan nga kasugot sa tunga sang San Miguel, kag sang Salvador Benedicto Cassava, Corn and Coffee Planters Multi-Purpose Cooperative (Salbacopa), Land Bank, Department of Agriculture kag munisipal nga gobyerno sang Don Salvador Benedicto.

Nagaplano ang SMC nga maglunsar man sang Mais-Cassava nga proyekto


sa Sur nga bahin sang Negros, nga nagakober sang Kabankalan, Ilog, Sipalay, Candoni kag Hinobaan. Magasakop ini sang 5000 ka ektarya. Nagkapital ang SMC sang P1.2 bilyones sa pagtukod sang duha ka planta nga magkombirter sang cassava sa alcohol kag biodegradable nga materyales. Magamit man ang cassava sa paghimo sang fructose nga kaangay sang kalamay nga ginagamit sa food processing.

Hawak ni Cojuangco ang daku nga kihad sang ekonomiya sa Negros, nakagamot kag

nakapangalapkap na ang iya-gahum pampulitika sa halos tanan nga lebel sang gobyerno.

Ini nga gahum kag impluwensya ni Cojuangco ang ginakatahapan sang rehimeng Macapagal-Arroyo, kag mas ginapakamaayo sini nga maglikaw sa pagpakigbanggi ilabi na nga nagakonsolida pa ini sang gahum. Mas ginatan-aw ni Macapagal-Arroyo nga asset si Cojuangco sa iya administrasyon, gani temprano pa nagpakignegosasyon ang bana sini nga si Mike Arroyo sa kampo ni Danding.

BOSS ang manggad mo, ilubong di upod sang akon basi pati ina bawion sang pumuluyo.



Sa bahin ni Cojuangco ginpakamaayo sini nga magkonsesyon para ipreserba ang ginharian ilabi na diri sa Negros. Apang indi mangin makanay ang ini nga relasyon, sa paglala sang krisis kag sa pag-igting sang kontra-Cojuangco nga kampanya mapilitan ang rehimeng Macapagal-Arroyo nga magpisga kay Cojuangco.


Nasalbar pa ni Cojuangco ang pagkatsirman sang San Miguel Corporation (SMC) sa pihak sang maniobra sang rehimeng Macapagal-Arroyo nga patalsikon ini kag ilisan sang ila nga mga bata-bata. Temprano pa nga nagmaniobra si Cojuangco nga mamentinar ang 21% nga pagpanagiya niya sa SMC kag makuha ang 27% nga *voting rights*. Nahimo sini nga manyutralisa ang pila ka mga bloke sa sulod sang SMC kag nabutang sa inutil nga pusisyon ang gobyerno sa pagrekober sang mga stocks nga ginapanig-iyahan sini paagi sa ligal nga maniobra ni Cojuangco. Nakasandig sa SMC ang daku nga negosyo ni Cojuangco kag ang buasdamlag sang iya malapad nga prutasan kag hardin sa isla sang Negros.

Wala sang kakulbaan si Danding Cojuangco kon reporma sa duta ang pagahambalan sa bag-o nga rehimen. Ipabugal pa niya nga pagasundon sang pamilya Arroyo (pamilya sang bana sang presidente sa Negros) ang iya "corporative scheme" nga iaplikar sa masobra 1000 ka ektarya sang duta nga ginapanig-iyahan sang nasambit nga pamilya.

Ara sa sirkulo ni Cojuangco ang pinaka-agresibo kag pinakamabangis nga mga warlords sa Occidental kag Oriental

Negros. Ginasimba sang mga Maranon, Yulo, Pena, Montilla, Garcia, Paras kag iban pa. Sa idalum sang partido pampulitika sini nga United Negros Alliance (UNA), nga may nga pondo kag lohistika, ila na nga ginmaniobra ang tanan para

mapasiguro ang kadalag-an



UNA PARTY
UNA sa tanan nga bagay sa isla sang Negros.
 * pwesto sa Poder
 * Pagpang-gaw sang kadutaan, pati dagat kag kabukiran.
 * Pagkatuta sa mga Dumuluong
 * kurakot sa pondo sang banwa
 * pagpanghimulos kag pagpamigos sang pumuluyo
 * Pagimplementar sang militarisasyon

siya

daku

sang ila mga kandidato.

Utak kag benepaktor sang militarisasyon sa isla sang Negros. Para kay Cojuangco kulang pa ang isa ka dibisyon sang Army para magbantay sang iya malapad nga laguerta kag sa pagtapna sang nagabaskog liwat nga rebolusyonaryo nga kahublagan sa Negros. Indi makatilingala pati ang rebisyunistang-traidor nga RPA-ABB iya na nga ginhimo nga security guards.

Dapat lamang nga palaparon kag konsolidahon ang kontra-Cojuangco nga nagahiliugyon nga prente indi lamang sa isla sang Negros kundi sa bug-os nga pungsod Pilipinas.


May

daku nga papel ang

nga

sa

rebolusyonaryo kahublagan sa Negros bangud paghublas kag pagpamatuk sa hubon Cojuangco kay ari diri sa isla, gintubsok niya ang mayor nga mga haligi sang iya ginharian.



ATON PARTY
Aton ang nabilin sang UNA (kon may ara pa) nga:
 * pwesto sa Poder
 * Duta nga wala pa maagaw
 * Pabor sa mga Dumuluong
 * Wala masipot nga kurakot
 * bahin sang pagpanghimulos
 * Pagimplementar sang militarisasyon

milyon , ang
kongresman kag
mayor : P20- P50
milyones. Wala sang
tsansa nga
magpadaug sang

Kon magdaug gid man, indi mabag-o sini ang makasahi nga kinaiya sang reaksyunaryong estado.

Indi makasolbar sa problema nga nagaluntad sa aton sosyedad ang ini nga eleksyon. Pwede nga makabulig ini sa pagkonsolida sang rehimeng Macapagal-Arroyo, apang ang dinayaay nga matabo sa panahon sang eleksyon magpasingki sang pagkinamogay sa tunga sang mga pampulitika nga paksyon ilabi na kay mas magagamay ang ila tungaon nga tinapay nga luyag solohon sang sin-o man nga makadaog.

Eleksyon, nagapatimaan sang Demokrasya- ini ang ginapalapnag nga kabutigan sang nagahari nga sahi. Ginagamit man nila ini nga basehan nga ang ila kuno paghari may basbas sa malapad nga pumuluyo kay sila ginboto. Apang ano bala ang kamatuoran? Sa idalum sang karon nga reaskyunaryo nga sistema ang pilian lamang sang masa amo ang kon sin-o sa mga manugpigis nga sahi ang magpigis sa ila. Magboto man sila ukon indi may mapungko sa gihapon nga representante sang nagahari nga sahi.

Magasto ang eleksyon. Ginatantyar nga ang nagapapili senador magagasto sang P30 - P100


Para sa rebolusyonaryo nga kahublagan, nagaluntad sini nga panahon ang dugang nga paborableng arena sang rebolusyonaryo nga paghimakas sang pumuluyo nga kun maayo ang pagkalugar, makaamot sa labi nga pagpadasig sang armado nga rebolusyonaryo nga paghimakas. Dapat indi niya pagpahanugutan ang nagahari nga sahi nga sulohon nila ini nga arena agud magamit sa ila handum nga magpabilin ining mapiguson kag

mahimuslanon nga sistema nga nagabenepisyo lang sa ila interes.

Para sa pagmaksimisa sa panahon sang eleksyon agud labi nga mapasulong ang rebolusyonaryo nga kahublagan, dapat gamiton sang mga rebolusyonaryo ini nga tinion para sa labi nga pagbuyagyag sa matuod nga kinaiya sang reaksyunaryo nga eleksyon; makalsuhan ang biak sa tunga sang nagahari nga sahi; makatipon sang mga lohista kag pinansya para sa armado nga paghimakas; kag mabuyok ang pila ka progresibo sa hanay sang nahanunga nga pwersa sa pagkuha sang aktibo nga papel sa pagpasulong sa pungsodnon-demokratikong rebolusyon.

Dapat iligwin ang mga reaksyunaryo kag pabayaron ang may utang nga dugo nga nadesisyonan na sang nagakaigo nga husgado sang pumuluyo para sa pagpahuyang sang ila pang-ekonomiya kag pampulitika nga base. Ibuyagyag ang ila mga kontra-pumuluyo nga hinimuan kag ila papel sa pagpreserba sining mahimuslanon kag mapiguson nga sistema sang Ibuyagyag paano nila ginakuot sang pumuluyo kag ginakurakot para sa ila personal nga luho kag galastuhon naman sa madason nga eleksyon.

Makabulig sa pagpasulong sa rebolusyonaryong kahublagan kun ang mga progresibo nga kandidato ukon partido ang magdalaog. Sa sini nga panindugan, ginapakamaayo sang mga rebolusyonaryo nga pwersa nga magdaog ang mga progresibo nga kandidato



ukon partido kag pabuligon sila sa pagduso sang mga anti-imperyalista, anti-pasista kag anti-pyudal nga paghimakas sang malapad nga pumuluyo sa panahon sang eleksyon kag kun sila makapungko na sa pwesto. Tukuron ang mas mabakod nga relasyon sa ila indi lang sa panahon sa eleksyon ukon sa basehan sa pagbinuligay sa pagpadaog, kundi sa pagtib-ong kag pagpangapin sa interes sang pumuluyo, pag-upod kag pagsuporta sa mga paghimakas sang masa sa pagpasulong sang ila sektoral ukon multisektoral nga interes. Pataason ang ila pampulitika nga kamuklatan kag athagon ang ila papel sa pagpasulong sang demokratikong rebolusyon sang banwa.

Ang indi tuman ka reaksyunaryo kag wala sang utang nga dugo nga mga kandidato pwede man makabulig para sa labi nga pagpahuyang ekonomiya pampulitika sang bat-ulan reaksyunaryo nga Samtang ginakontra nila ang aton nagapanguna nga target sa rebolusyon sa isla kag sa bilog nga pungsod, may basehan nga kita makigrelasyon sa ila kag makaplano sang pila ka pagbinuligay sa

pagpahuyang sa aton komon nga kontra samtang wala naman ginasakripisyo ang interes sang mamumugon kag sang malapad nga pumuluyo. Ang polisiya sang

Partido nagapahanugot sa paghatag sang Permit to Campaign sa mga progresibo kag

indi tuman ka reaksyunaryo nga kandidato sa aton mga erya base sa ila pagsabat sa natalana nga obligasyon.

Dapat hublasan ang repormista nga kinaiya sang mga binayaran nga rebisyunistang traidor nga nagapagamit na sa mga bat-ulan nga kandidato, ilabi na sa partido kag grupo ni Danding Cojuangco. Dapat pamatokan ang pagsabwag sang ilusyon sang reaksyunaryo nga media kag repormistang grupo nga maagum sang pumuluyong Pilipino ang pundamental nga pagbag-o paagi sa eleksyon. Dapat man hatagan sang partikular nga pagtamod ang pagbuyagyag sang teorya sang “ebolusyonismo” nga ginapalapnag sang kontrarebolusyonaryo nga

“ikatatlo nga pwersa” nga maagum ang pagbag-o paagi sa amat-amat nga pagpapungko kag pagpabaskog sang impluwensya sa sulod sang reaksyunaryo nga parlamento kag burukrasya.


Pabaskugon sa nagkalain-lain nga porma ang taktikal nga opensiba ilabi na sini nga panahon. Ang matunog nga lupok sang aton pusil isa ka epektibo nga propaganda sa paghublas sa pagkainutil sini nga sistema sang sosyedad. Ang taktikal nga opensiba amo ang pinakamadasig nga pamaagi sa pagtipon naton sang madamo nga armas para gamiton kag mapasulong ang pagbag-o sining mahimuslanon kag mapiguson nga sistema kag magsulbar sang kapigaduhon sang malapad nga pumuluyo.

...KAG ANG NAGDAUG?

Ang mando sang hari indi mabali. Ini ang ginpamatud-an nga sumpa ni Cojuangco nga i-landslide niya ang eleksyon. Ang resulta sang bag-o lang matapos nga Piniliay 2001, nagapakita sang gahum ni Cojuangco kon paano hugakumon ang balota. Sa Negros Occidental, ang iya UNA nga partido-pulitika nagkuha sang pwesto sang gobernador, bise gobernador, halos tanan nga kongresman magluwas sa isa, mayoriya sang mga mayor kag bise-mayor kag madamo pa nga pusisyon. Sa Oriental naman nga bahin, iya mga kaalyado kag mga bata-bata ang nagdominar. Kontrolado ni Cojuangco ang COMELEC, pulis kag militar (wala labot sang iya goons kag mga RPA-ABB). kag may daku nga lohestika para sa pagdaug sang eleksyon. UNA man ang kampo Cojuangco sa lapnagon nga dinaya-ay, baklanay boto, bribery kag iban pa nga mga iskema para makontrolar ang balota.

Bugbog sarado ang iya ATON ni Coscolluela kag Gamboa. Sa panahon sang kampanya ila ginhikeyat ang mga botante nga Negrosanon nga indi pagbaligya ang isla kay Cojuangco paagi sa indi pagboto sang mga kandidato sang "pakman".

Ginhublasan niya ang patraidor nga tikang sang Lakas-NUCD nga magkonsesyon kay Cojuangco para padag-on ang ila mga kandidato para senador, samtang pinabayaan ang ila ATON. Dagdag ang abaga apang madasig nga nagpamilin-bilin nga indi pa tapos ang Inaway. Mapati kamo?



Para sa mas madalum nga analisis sang Partido Komunista sang Pilipinas (PKP)-MLM, angot sa Eleksyon 2001 kag kaangut nga mga isyu, basahon ang *Ang Bayan* nga Mayo, 2001 nga edisyon.

PEBISYUNISTANG TRAYDOR TINAYBONG
ΣΑ ΒΑΣΥΡΑΗΑΝ ΣΑΝΓ ΚΑΣΑΨΣΑΨΑΝ

Ang anuman nga grupo nga magtorse sang sandigan nga prinsipyo para sa kaugalingon nga interes kag magmaniobra para wasakon ang Partido, Hukbo sang pumuluyo kag rebolusyonaryong organisasyon masa wala na sang iban nga padulungan kundi ang pagkawasak kag pagkalubong sa basurahan sang kasaysayan. Ini na ang nadangatan sang 1993 nga mga rebisyunistang traydor.

Sila ang mga nabulok nga elemento sa sulod sang Partido nga imbes manadlong sadtong 1993, namatok sa kahublagan panadlong kag magtinguha unta sa pagwasak sang rebolusyonaryong kusog. Halin sa pagka-oportunistang traydor sadto nangin rebisyunistang traydor asta nga may naghayag nga ahente sang rehimeng Estrada kag ang ila sini nga armadong kusog, ang RPA-ABB, nangin kabahin na nga makinarya sang reaksyunaryong estado.

Diri sa Isla sang Negros sadtong 1993 daku ang pwersa sang



rebolusyonaryong kusog, labi na ang armadong pwersa sa kaumahan, ang natiplang kag nadala sang nagtraydor nga liderato sang Partido sang Rehiyon. Halin sa daku nga pwersa amat-amat nga naghuyang, nagagamay nagkawatak-watak, nagsingki ang banggianay sa tunga sang ila nga liderato sa pag-agaway sang gahum sa pagkontrolar sang teritoryo, pwersa kag pinansya. Halin man sa pwede pa sadto makapaniplang sa pumuluyo amat-

amat sila nga nahublasan tubtob na nga ginsikway kag ginkondenar sang malapad nga pumuluyo.

Ang grupo nila Itabag-Geanga masupog sa pagbandera sang tuo nga oportunistang linya sang repormismo kag ekonomismo. Maayo man sila nga ahente sa pagbaligya sang interes sang mamumugon sa industriya kag asyenda sa mga kapitalista kag agalon mayduta. Nangin komprador burgis sila sa pagpanag-iya sa mascobadohan. Nakig-alyansa man sila sa mga "die hard" nga kontra-komunista nga grouplets parehas sang social democrats (soc dem), subong man sa mga liderato sang dalag nga unyon kag sa mga kapitalista kag despotiko nga agalon mayduta para wasakon ang rebolusyonaryong kahublagan. Sadto man sa ila kagahod kag makamobilisa sang 5,000 ka pwersa paagi sa nasambit nga subong ang ila na tuman kagamay ang mamobilisa sa ginpatigayon nga mga aksyon.

Samtang ang grupo naman nila Arturo Tabar-Nilo dela Cruz-kriminal-gangster clique nangin hayag nga ahente sang rehimen Estrada. Sadtong December 10, samtang ginaselebrar ang adlaw sang tawhanon nga kinamatarung kag ginalunsar ang dalagku kag lapnagon nga mobilisasyon sa pagpatalsik kay Estrada sa poder, ginpatigayon ni Danding Cojuangco ang moro-moro nga pag-estoryahanay para sa kalinong sa Don Salvador Benedicto. Ginsaksihan ini nila nanday Danding Cojuangco, Joseph Estrada, Nene dela Cruz, Arturo Tabara kag Nilo dela Cruz. Ang katuyuan sini amo ang pagpahamot kay Estrada nga tuman na kabaho para sa pumuluyo. Indi puede nga matabo ang pag-

estoryahanay para sa kalinong sa RPA-ABB tungod ila man ini pwersa. Ang RPA-ABB isa na ka paramilitary yunit nga ginagamit batok sa pumuluyo kag rebolusyon. Ang natabo nga sarswela isa lang ka daku nga pagtipon sang mga warlords kag gangsters.


Ang RPA-ABB amo ang nabanhaw nga Taruc-Sumulong Gangster Clique sang Central Luzon sadtong 1950's kag 1960's nga mga binayaran nga instrumento sang mga dalagku kag despotikong agalon mayduta, dabahin na ang pamilya Cojuangco, batok sa mga mangunguma kag paghimo sang kriminal kag illegal nga mga aktibidad.

Bilang private army ni Danding Cojuangco, ang RPA-ABB instrumento sang pagpang-agaw sang kadutaan sang mga mangunguma sa Pinggot Ilog, Salvador Benedicto, Biao Binalbagan, Calatrava kag San Carlos. Pilit nga ginapahalin ang mga mangunguma, kag ang mga nagapamatok, ginapahug kag ginapaandaman. Indi katingalahan kung ngaa nakaangkon si Danding Cojuangco sang 22,839 ka ektaryas diri lang sa isla sang Negros. Para maseguro man ni Danding Cojuangco ang padayon nga pagkontrolar sang gahum pulitika, ginagamit man ang RPA-ABB sa pagseguro sang kadalag-an sa ginauyatan nga partido pulitikal nga amo ang UNA sa palaabuton nga Mayo 14 nga Eleksyon. Sila nagaserbi nga bodyguard sa mga despotiko nga kandidato sang UNA. Ila man ginapahug o ginatayaan sang armas ang gapahayag o nagakampanya sa batok sa UNA.

Ginaserbisyuhan man nila ang dumuluong nga kaangay ni Charles Mosser sa Himamaylan sa pagpatuman sang proyekto sang Imperyalistang US nga amo ang NIPAS. Madamo nga isip sang mga mangunguma ang nawad-an sang duta sa kabukiran sang Himamaylan, Binalbagan kag Tayasan sa pagpatuman sang nasambit nga proyekto. Ginapaandaman kag ginapahug ang mga mangunguma nga nagapamatok.

Indi man malipod ang lapnagon nga reklamo sang pumuluyo sa pagpangilkil sang RPA-ABB. Kabahin lang ang pagkuha sa P20.00 sa sweldo sang mga trabahante ni Mosser kag P50.00 sa mga trabahante sang road construction kag infrastructure projects. Madamo man ang kaso sang pagpalupok kag pagpanaya nga nagtuga sang kakugmat sa pumuluyo.

Bilang mga paramilitary yunit, ginauyatan kag ginasabak sila ni Col. Crucero sang 303rd Brigade kag Col. Barias sang Provincial PNP. Nagabinuligay kag nagainupdanay sila sa Philippine Army sa paglunsar sang combat kag intelligence operations batok sa NPA. Ginaserbisyuhan man nila ang Philippine National Police paagi sa ila "police functions". Ang natabo nga engkwentro sa tunga sang NPA kag RPA-ABB sadtong Abril 9 nga nagresulta sang kamatayon sang duha ka pumuluyo kag pagkapilas sang isa pa, nagpakita lamang sang ila, bilang mga mersenaryo nga makinarya sang reaksyunaryong estado batok sa pumuluyo. Ila bala sang mga high powered guns ang nakapatay kag nakapilas sa pumuluyo. Sa pagbanat sa NPA wala gid nila ginakonsidera kung masalabat ang pumuluyo.




Samtang ang mga rebisyunistang traydor tuman na kagamay, mahuyang sa panindugan kag ginasikway ukon ginakondena na sang malapad nga pumuluyo, ang rebolusyonaryong kusog naman; ang Partido, ang Hukbo sang banwa, kag mga rebolusyonaryong organisasyon masa, nagasulong sang kahublagan panadlong tubtob sa makumpleto ini. Nagatipon sang kusog kag padayon nga nagabaskog. Yari na

ini sa posisyon para sa madasig nga pagdaku kag pagsulong sang armadong paghimakas kag hayag nga demokratikong kahublagan masa. ***

**KAMATAYON SANG MGA CARDENAS,
KADALAG-AN SANG REBOLUSYONARYONG HUSTISYA**

Madinalag-on nga ginpatuman sang ginkombinar nga mga yunit gerilya sang New People's Army ang pagsilot kay Jose "Undo" Cardenas kag Jessica Cardenas sang Canlaon City. Nag-upod sang ila kamatayon amo ang ila mga sinaligan nga armed goons close-in security nga sila Josfesio Condes, Calvin "Kalbo" Neri, Telesfoso Fajardo, Ricardo "Cano" Oca.

Sang Abril 27, pagkatapos sang habal motorcycles nila Cardenas, nagnegosyar sang patakla nga Budlasan, pabalik sa sentro ambush position nga yunit habal sang mga sibilyan. Cardenas sa killing zone sang sang pagbanat sang yunit armed goons security nga habal sang amo nga salakyan. Kadungan ang mga sibilyan. Natapos ang inaway sa sulod goons.



kampanya sang eleksyon, ang apat ka salakyan kag 13 ka habal-kaupdanang mga politiko, kag nag-convoy nga armed goons kalsada halin sa overflow sang Binalbagan River, Brgy. sang Canlaon City. Ginpalabay lamang sang naka-gerilya ang nag-una nga mga salakyan kag habal-
Sang nakasulod na ang salakyan ni "Undo" 4:25 p.m., ginsuguron kag ginkonsentrahan ini gerilya lakip na ang pag-contain sa nagbato nga nakasakay sang nag-una kag nagsunod nga habal-
man sini, amo ang mando sang komander nga maghapa sang 7 minutos sang nagpinalagyo na ang iban nga armed

Ang mga pilason kag nagpalagyo nga *armed goons* amo nanday Nick Malones, Ramil Salazar, Ronnie Montejo.

Ginpagayuan man namon sang pasensya ang mga sibilyan nga nasalabat sa panahon sang inaway sa tunga sang NPA kag armed goons sang mga Cardenas. Ini sila amo si Jimmy Clerego kag Julius Escala. Ginhatagan sang bulong sang Medic sang NPA si Jimmy Clerego antes siya ginpalakat.

Natigayon man sang yunit gerilya ang pagkompiska halin sa mga Cardenas kag armed goons ang M16 upod ang pouch kag magazines, 1 super cal.38, kag P10,000.00 nga campaign fund.

Ang kamatayon sang mag-utod Cardenas kag mga salaligan sini isa ka katumanan sang rebolusyonaryong hustisya nga malawig na ginahandum kag ginademanda sang malapad nga masa sa Canlaon City. Ini nga mag-utod Cardenas amo ang masupog nga warlords nga nag-ugat sang halos absoluto nga gahum sa ekonomiya kag pulitika. Sugod sang 1987 nagtinangkang na ang ila mga krimen batok sa masang mangunguma, negosyante kag oposisyon.

Ang pila lamang sang mga krimen kag kriminal nga mga aktibidad sang mga Cardenas amo ang mga masunod:

1. Utok sang mga kaso sang murder, harassment, pagpangdakop sa mga masang mangunguma nga gin-agawan sang duta kag sa pagpatay kay George Leve;
2. Masupog nga mga aktibidad sang landgrabbing, illegal logging, gun running, drug trafficking;
3. Masupog nga supresyon sa mga kinamatarung sa paghambal, asosasyon kag protesta sang mga pumuluyo;
4. Malubha nga pagpangilkil sa mga mangunguma kag mga negosyante;
5. Pagpaluntad sang "reign of terror" sa Canlaon City paagi sang ila armed goons, kontrol sang mga tropa sang Philippine Army kag PNP, pag-arnas sang mga barangay officials, barangay tanod kag informers;
6. Paggamit sang pundo kag mga pasilidad sang gobyerno para sang ila illegal kag kriminal nga mga aktibidad; kag
7. Tagsapupo kag tagsuporta sa mga rebisyunistang traydor kag mga kriminal nga elemento.

Isa ka pagtabon-tabon kag dis-impormasyon sang AFP/PNP nga ang mga napatay lunsay sibilyan. Ang kamatuoran, sila mga salaligan nga armed goons sang mga Cardenas.

1. Josfesio Condes - bodyguard ni Undo Cardenas kag campaign manager sini
2. Calvin Neri - driver kag bodyguard
3. Telesfoso Fajardo - close-in security, ex-CAFGU, kag police aide

4. Ricardo Oca - katapo sang Military Intelligence Company
5. Nick Malones - masupog nga traydor nga rebel returnee
6. Ramil Salazar - ex-CAFGU
7. Ronnie Montejo - ex-Philippine Army ***

Bayani Obrero

New Peoples Army

Boy Gatmaitan Operational Command

Ang Matuod nga Natabo sa Sityo Cogon

Lunsay mga disimpormasyon kag kabutigan ang ginangasal sang mga upisyal militar sang 303rd Bde. Phil. Army kag sang Tabara-dela Cruz gangster clique sang RPA-ABB tuhoy sa insidente nga natabo sa Sityo Cogon, Gatuslao, Candoni sadtong Marso 9, 9:00 sang gab-i.

Nagkorus ang ila psy-war propaganda agud paggwaon nga ang CPP-NPA indi maki-pumuluyo samtang ang ila para-militar nga hubon nga RPA-ABB amo ang maki-pumuluyo kaangot sa natabo nga kamatayon sang duha ka sibilyan kag sang isa ka pilason.

Ano ang matuod nga natabo sa Sityo Cogon?

Ang natabo isa ka **chance military encounter** sa tunga sang imperyor nga 9-man squad sang NPA kag sang superyor nga kusog nga 32-man platoon sang RPA. Antes nagsulod ang yunit sang NPA sa Sityo Cogon, wala ini sang ideya bahin sa presensya sang RPA kag ang nagalapta nga mga pwersa sini sa balay sang mga Landero, balay nga may tyanggi kag sang simbahan nga nagasag-ang ang pagkahamtang.

Sang nagkahibal-anay na ang duha ka magkasumpong nga pwersa, ang yunit sang NPA bulnerable nga nakasulod sa tunga sang nagasag-ang nga tatlo ka posisyon sang RPA. Antes ang lukpanay, mansig plangka sa duha ka team ang NPA samtang ang 14 ka pwersa sang RPA sa tiyanggi nagplangka man sa pagkuha sang pusisyon. Bangud ara sa desbentaha sang kagamayon sang kusog kag sang pusisyon, ang isa ka team sang NPA nagmaniobra malapit sa balay sang mga Landero agud i-contain ang 6 ka pwersa sang RPA. Wala ginbanatan sang NPA ini nga pwersa samtang ara pa sa sulod sang balay apang ginhulat nga makapanaog.

malapit nga elemento sang NPA, apang gin-unahan ini sa pagbanat sang isa pa ka elemento sang NPA. Diri nagsugod ang

lukpanay sang duha ka magkasumpong nga pwersa nga naglawig sang 5 ka minutos. Ang madamo nga pwersa sang RPA naggamit sang ila mabaskog nga kalibre sang armas lakip na ang machine gun kag indiscriminate nga ginkonsentrang ang ila

volume of fire sa posisyon sang isa ka team sang NPA nga malapit sa balay sang mga Landero nga amo ang gintunaan sang kamatayon sang duha ka sibilyan kag isa ka pilason.

Bunga sang Kahublagan Panandlong sang Partido, malig-on nga ginauyatan sang NPA ang prinsipyo sadsaran sang pagtib-ong kaayuhan kag kasiguruhan 1994, mainit nga


kag sang sang masa. Halin sang ginabaton sang masang mangunguma ang ila hukbo kag nagresulta ini sang madasig nga paglapad sang baseng masa kag rekoberi sang mga larangan gerilya sang Negros agud ipursigi ang demokratikong rebolusyon sang banwa.

Sa pihak nga bahin ang solo nga tagdepensa sa mga kriminal kag kontra-pumuluyo nga Tabara-dela Cruz gangster clique sang RPA-ABB amo ang mga reaksyunaryo nga mga coddlers kag handlers sa pagpanguna nila Danding Cojuangco, pamilya dela Cruz sang DON Salvador Benedicto kag nila ni Crucero sang 303rd Brigade Phil. Army kag Col. Barias sang PNP.

Ang RPA-ABB wala na sang kinatuhay sa armadong hubon sang Taruc-Sumulong gangster clique sang Central Luzon sadtong 1950s kag 1960s, nga nangin binayaran nga instrumento sang dalagku kag despotiko nga landlords batuk sa mga mangunguma, paghimo sang mga kriminal kag ilegal nga aktibidad kag pagperform sang "police function" sa pagbulig sang Phil. Constabulary.

Ang RPA-ABB sang Tabara-dela Cruz gangster clique nangin kabahin sang makinarya sang reaksyunaryo nga estado batuk sa pumuluyo kag rebolusyon. Maathag nga sila subong ang ginasaligan ni Cojuangco agud sa pag-agaw sang mga duta sang mga masa sa Don Salvador Benedicto, Calatrava, San Carlos kag Pinggot sa Kabankalan kag iban pa nga lugar. Ila ginapahog kag pilit nga ginapahalin ang masang mangunguma nga nagapamatuk sa agri-business cooperative scheme ni Cojuangco. Imbolbado man sila sa pagpangilkil sang P50.00 halin sa kada trabahante sang road and irrigation projects. Bilang mga para-militar, ang mga pwersa sang RPA-ABB nagabuligay kag naga-updanay sa Phil. Army sa paglunsar



Sir mga RPA-ABB kami, indi kami NPA!!!



sang combat operations kag intelligence operations batuk sa NPA kag ginaserbisyuhan man nila ang PNP paagi sang ila "police functions".

Amon ginakasubo kag ginapaabot ang simpatiya sa mga pamilya Landero nga nakaagom sang kahalitan bunga sang indi malikawan nga military encounter sa tunga sang NPA kag RPA. Tinguhaan namon nga mahatagan sang masarangan nga assistance ang natungdan nga pamilya paagi sa mobilisasyon sang masa kag pinansya agud mahagan-hagan ang ila kalisdanan.

Amon man ipahibalo nga ang natabo nga enkwentro nagresulta man sang kamatayon sang isa ka hangaway sang NPA. Ang bangkay sini nga **martir** wala na madala sang nag-atras nga yunit. Apang ang psywar propagandista nga Major Aying sang 61st IB, PA nagngasal nga ginbanatan kag gin-ikisan ang guya sang bangkay kuno sang RPA agud paggwaon ang kabarbaro sang NPA. SA bahin sang RPA, duha ang ila patay, may mga pilason kag nakompiskahan sila sang M16, ammo. Pouch kag radio handset.



Ginpasidungan sang Partido Komunista sang Pilipinas-Negros kag sang mataas nga Kumand sang NPA sa isla ang baganihan kag martir nga si Ka Jingky. Ginsaad sa pahayag nga...

"Ang Partido Komunista sang Pilipinas sa isla sang Negros nagapaabot sang iya kasubo kag simpatiya sa pamilya ni Ka Jingky. Ang iya nga paghalad sang kabuhi paagi sa maisog nga pagpakig-away sa mga mersenaryong RPA-ABB sa isa ka chance encounter sa Sitio Cogon, Brgy Gatuslao Candoni dapat lamang handurawon. Ginpakita niya ang pinakamataas nga tatak sang komitment bilang isa ka matuod nga partidista kang pulang hangaway. Kabaylo sini amo ang pagpreserba sang magamay kag imperyor nga 9 man iskward sang NPA batuk sa superyor nga 32 ka tawo nga RPA-ABB."

"Lubos nga gin-akseptar ni Ka Jingky ang tanan nga kabudlayan, katalagman pati na ang kamatayon sa iya nga pagkomiter kag pagsumpa sa Partido Komunista sang Pilipinas kag sa NPA. Gikan sa sahing imol nga mangunguma, nagmuklat si Ka Jingky sa kamatuoran nga ang Pilipinas, sa pihak sang iya bugana nga manggad, ang kaangay niya kag milyon-milyon pa nga iban nga nalansang sa kaimulon kag kapigaduhon. Samtang pipila lamang ka komprador kag asyendero kag mga dumuluong nga mga kapitalista ang nagatamasa sang sining manggad nga gintuga sang dugo kag balhas sang masang nagahikahos kaangay niya. Ginsalom ni Ka Jingky ang ugat sang pagpamigos kag pagpanghimulos kag siya naresolber nga ang solo nga dalan para sa iya kahalwayan kag sang pumuluyong pigos amo ang armadong paghimakas."

TULA NG ISANG PULANG MANDIRGMA

Ni: Elias Audencio

Negros Oriental

Hoy, huwag ka nang papalag...
Sinusuway mo ang panginoong maykapal
Sige, at ika'y paparusahan niya!

Namulat ka mula sa
ideyalistang kaisipan
Na kung saan, mga tanong
mo'y

Ni hindi pa naiisip o
nabibigkas ng iyong labi
Sa isang iglap lang ay
Kay dami-dami nang sagot.

Nagising ka mula sa madilim
na kasaysayan
Na kung saan, lupang iyong
tinatapakan
Lahat ng nakikita ng iyong
mga mata
Maging ang hanging iyong
nilalanghap


Ay pag-aari na ng kinikilala pa nating mga pinuno.

Ikaw!...

Kasama. Kadua, kauban, kaduma, kaupod,
Dimula't sibol, ikaw ay gumapang
Natutong tumindig at natutong magtanong
Ano, bakit, hindi...
Sumigaw ka'ng umiiyak nga lubos...
Na hindi maaari.

Hanap-hanap mo na ngayon ang sagot
Ang tunay na katotohanan
Nakisalamuha ka sa masa, nagtiwala
Naliwanagan ang isipan at napatunayan ang
kahustuhan
Ng unibersal na kaisipang MLKMZ

Naglakbay patungo sa kanayunan
Bitbit ang maliit na Pulang aklat ni Tsirman Mao
Ng sandaan-taong paghihimagsik
Ng ilang beses na ring pagbagsak
Kapit-bisig nating tinipon ang mga aral!



Taas-kamao kang nanindigan
Hawak ang iyong sandata
Maging ang baril ng malayang
kaisipang

Gagabay para sa paglaya ng bayan
Muling magpapanday gamit ang maso
Muling magbubungkal ng kayraming
bundok

At aanihin ang gintong palay, gamit ang
karet

Mula sa pawis ng mga magsasaka
At maging dugong inialay ng ating
mga ninuno.

Nagliliyab sa puso't isipan na isulong
At isigaw ang hustisya't katarungan
Para sa mga api, maging sa iyo, sa kanila
At maging sa ating lahat.

Parang tubig sa batis na tuloy-tuloy ang agos ng
kamalayan

Sa pagtutupad ng demokratikong sentralismo
Sa paninindigan, sa pananaw, at sa gawain.

Pananatilihing maging buhay ang kaisipan
Sa pag-aaral, sa pagsisiyasat
Maisapraktika ang mga karunungan
At bukas lagi ang sarili sa mga puna
Maging sa pagpuna sa iba.

Sa ganitong paraan, kasama
Ay parating panatag ang kalooban
Sa pagpapatuloy ng isang dakilang gawain -
ISULONG ang Demokratikong Rebolusyon ng
Bayan

Sa pagharap ng isang bagong bukas
Na isakatuparan ng isang sosyalistang lipunan
Abot-tanaw ang nagniningning gintong bituin
Ng sangkatauhan

Buhay man ay iaalay!

Mabuhay tayong lahat,
Mga Pulang Mandirigma!